

**CENTRALNA BANKA
BOSNE I HERCEGOVINE**

Broj: 110- 17-2-947-2/14

Sarajevo, 1. april 2014. godine

Na osnovu člana 20. stav 1. tačka b) Zakona o slobodi pristupa informacijama u Bosni i Hercegovini ("Službeni glasnik BiH", broj 28/00, 45/06, 102/09, 62/11 i 100/13) i člana 53. Pravilnika Centralne banke Bosne i Hercegovine, UV broj: 120/05 od 29. juna 2005. godine, 100-UV broj: 66/10 od 29. aprila 2010. godine, 100-UV broj: 130/11 od 30. marta 2011. godine, 100-UV broj: 18/12 od 31. januara 2012. godine, 100-UV broj: 10/13 od 31. januara 2013. godine, 100-UV broj: 73/13 od 28. juna 2013. godine i 100-UV broj: 106/13 od 31. oktobra 2013. godine, a u vezi člana 8. Odluke o slobodi pristupa informacijama pod kontrolom Centralne banke Bosne i Hercegovine broj: 122-17-2-947/14 KS od 1. aprila 2014. godine, guverner Centralne banke Bosne i Hercegovine, donosi

O D L U K U

o Indeksu registru informacija koje su pod kontrolom
Centralne banke Bosne i Hercegovine

Član 1.

- (1) U skladu sa Zakonom o slobodi pristupa informacijama u Bosni i Hercegovini, Centralna banka Bosne i Hercegovine (u daljem tekstu: Centralna banka) izradila je Indeks registar informacija koje su pod kontrolom Centralne banke (u daljem tekstu: Indeks registar).
- (2) Indeks registar podnosioca zahtjeva informiše o vrsti informacija koje su pod kontrolom Centralne banke i mjestu gdje se može pristupiti tim informacijama.
- (3) Određeni broj informacija, može se naći na internet stranici Centralne banke www.cbbh.ba, dok je pristup ostalim informacijama omogućen na način opisan u Vodiču za podnosioca zahtjeva za pristup informacijama.
- (4) Centralna banka će poduzeti sve potrebne mjere za davanje traženih informacija u cilju ostvarivanja prava iz Zakona o slobodi pristupa informacijama u Bosni i Hercegovini.
- (5) Indeks registar je besplatan i dostupan je na internet stranici Centralne banke, protokolu Centralne banke ili kod službenika za informisanje.

Član 2.

- (1) Informacije pod kontrolom Centralne banke su sljedeće:
 - nadležnosti Centralne banke
 - djelokrug rada Centralne banke
 - struktura Centralne banke
 - informacije o novcu
 - kursna lista
 - informacije iz oblasti platnih sistema
 - odnos s Evropskom unijom
 - odnos s MMF-om
 - statistički podaci
 - publikacije koje izdaje Centralna banka
- (2) Pristup informacijama detaljno je opisan u Vodiču za podnosioca zahtjeva za pristup informacijama

Član 3.

Zavisno od podnesenog zahtjeva, Centralna banka će u svakom konkretnom slučaju odrediti oblik u kojem se informacija daje na raspolaganje i način na koji je dostupna.

Član 4.

Služba za odnose s javnošću u Uredu guvernera Centralnog ureda Centralne banke je mjesto gdje podnosilac zahtjeva može dobiti informacije o podnesenom zahtjevu, odnosno gdje može pristupiti traženim odobrenim informacijama.

Član 5.

Ova odluka objavljuje se na oglasnoj tabli organizacionih jedinica i internet stranici Centralne banke.

Član 6.

Ova odluka stupa na snagu danom donošenja, a primjenjuje se od 15. aprila 2014. godine.


GUVERNER
dr Kemal Kozarić
dr Kemal Kozarić

Dostaviti:

- svim organizacionim jedinicama
- a/a